

摘藻堂四庫全書薈要

集部

欽定四庫全書薈要

集部

御定全唐詩卷四百八十八

六至

詳校官原任主事 臣 李斯咏



欽定四庫全書薈要卷一萬七千八百九十一

集部

御定全唐詩卷四百八十六

鮑溶

越女詞

越女

芙蓉妝浣紗清淺水忽驚春心曉一作晚不敢思君

子君子縱我思寧來浣溪裏

弄玉詞二首

素女結念飛天行白玉參差鳳皇聲天仙借女雙翅猛

五燈繞身生入烟去無影

三清弄玉秦公女嫁得天上人瓊簫碧月喚朱雀携手
上謁玉晨君夫妻同壽萬萬青春

山行經樵翁

我心勞我身遠道誰與論心如木中火憂至常自燔披
訪結恩地世人輕輕報恩女無良媒識知入何人門寒日
行深山路由谷中村田翁樵採熟男女謳吟喧借問身
命謀上言媿乾坤時清公賦薄力勤地利繁下念草木

年坐家見重孫舉案饋賓客糟漿盈陶尊醉閒鹿裘煥
白髮舞軒軒仰羨太古人余將破行轅遑遑問身事師
友難為言離歌又行去落日低寒泉

途中旅思二首

喔喔雞鳴曉蕭蕭馬辭櫪草草名利區居人少於客生
期三萬日童耄半虛擲脩短命半中憂歡復相敵朝提
黃金爵暮造青松宅來往日相悲北邙田土窄峩峩西
天岳錦繡明翠壁中有不死鄉千年無人跡心期周太

子下馬拜虛碧鶴駕如可從他年執烟策

星出方問宿睡眠始朦朧天光見地色上路車幢幢時
物既老大衆山何枯空青冥見古栢寥朗聞踈鴻獨步
天地間無因為君忠白毛尋人憂生此頭髮中躍馬非
壯歲報恩無高功斯言化為火日夜焚深衷

舊鏡

嬋娟本家鏡與妾歸君子每憶並照時相逢明月裏春
風忽分影白日難依倚珠粉不結花玉璫寧輝耳心期

不可見不保長如此華髮一欺人青銅化為鬼良人有
歸日肯學妖桃李瑤匣若浮雲冥冥藏玉水侍兒不遣
照恐學孤鸞死

宿悟空寺贈僧

勞者謠燭蛾致身何營營雪山本師在心地如鏡清往
與本師別人間買浮名朝光畏不久內火燒人情迷路
喜未遠宿留化人城前心宛如此了了隨靜生維持蘆
蔔花却與前心行

感興 第十五句 缺一字

幽人無近迹 別易一作異 會則稀 黃鶴亦姓丁 寥寥何處

飛時見海上 山繞雲心依依 諒無馭風術 中路愁虛歸

童髮慕道心 壯年墮塵機 白日不饒我 如今事皆非 羣

羊化石盡 雙鳧與我違 岳黃金富軒轅曉 霞衣誰令

日在眼 容色烟雲微

秋思

楚客秋更悲 皇皇無聲地 時無無事人 我命與身異 良

時如飛鳥回掌成故事蹉跎秋定還凝冽堅冰至人生
不期老華髮誰能避感此惜壯年壯年少為貴我生雖
努力榮途難自致徒為擊角歌且慙雕劒字吾師一作思
罕言命感激潛傷思

客途逢鄉人旋別

驚鴻一斷行天遠會無因無因忽相會感歎若有神我
鄉路三千百里一主人一宿獨何戀何況舊鄉鄰牢落
歲華晏相憐客中貧迎霜君衣煖與我同一身誰在天

日下此生能不勤
青萍寄流水安得長相親
明發更遠道山河重苦辛

隋帝陵下

白露沾衣隋主宮
雲亭月館楚淮東
盤龍樓艦浮冤水
雕錦帆幢使亂風
長夜應憐桀何罪
告成含笑禹無功
傷心近似驪山路
陵樹無根秋草中

洛陽春望

五鳳樓南望洛陽
龍門迴合抱蒼蒼
受朝前殿雲霞煥

封岳行宮草木香四海為家知德盛二京有宅卜年長
東人猶憶時巡禮願覲元和日月光

始見二毛

玄髮迎憂光色闌衰華因鏡強相看百川赴海返潮易
一葉報秋歸樹難初弄藕絲牽欲斷又驚機素翦仍殘
顏生豈是光陰晚余亦何人不自寬

巫山懷古

十二峯巒鬪翠微石烟花霧犯容輝青春楚女如雲

老白日神人入夢稀
銀箭暗凋歌夜燭
珠泉頻點舞時衣
誰傷宋玉千年後
留得青山辨是非

郊天迴

日動蕭烟上泰壇
帝從黃道整和鑾
風前貌武迴雕仗
雲裏神龍起畫竿
金鳥赦書鳴九夜
玉山壽酒舞千官
始知報本終朝禮
舊典時巡只自難

溫泉宮

憶昔開元天地平
武皇十月幸華清
山蒸陰火雲三素

日落溫泉雞一鳴
綵羽鳥仙歌不死
翠霓童妾舞長生
仍聞老叟垂黃髮
猶說龍髯縹緲情

寄歸

塞草黃來見鴈稀
隴雲白後少人歸
新絲強入未衰鬢
別淚應沾獨宿衣
幾夕精誠拜初月
每秋河漢對空機
更看出獵相思苦
不射秋田朝雉飛

贈遠

辛苦關西車騎官
幾年旌節客河蘭
金泥舞虎精神暗

銀縷交龍氣色寒欲和古詩成竇錦倍悲秋扇損齊紈
莫勞鴈足傳書信願向凌烟閣上看

九日與友人登高

雲木疎黃秋滿川茱萸風裏一尊前幾迴為客逢佳節
曾見何人再少年霜報征衣冷針指鴈驚幽夢淚嬋娟
古來醉樂皆難得留取窮通付上天

贈楊煉師

紫烟衣上繡春雲清隱山書小篆文明月在天將鳳管

夜深吹向玉晨君

玉清壇

上陽宮裏女玉色楚人多西信無因得東遊奈樂何

荅客

竹間深路馬驚嘶獨入蓬門半似迷勞問圃人終歲事
枯槔聲裏雨春畦

隋宮

柳塘烟起日西斜竹浦風迴鴈弄沙煬帝春遊古城在

壞宮芳草滿人家

送僧文江

吳王劒池上禪子石房深久慕白雲性忽勞青玉音
孤高知勝鶴清雅似聞琴此韻書珍重煩師出定吟

古意

末句缺一字

重錦化為泥翦刀誤人事夜裁遠道書翦破相思字
妾心不自信遠道終難寄客心固多疑肯信非人意
萬里不言遠歸書長相次可即由此書空房
忌諱

山中冬思二首

山深先冬寒敗葉與林齊門巷非世路何人念窮棲哀
風破山起夕雪誤鳴雞巢鳥侵旦出飢猿無聲啼晨興
動烟火開雲伐冰溪老木寒更瘦陰雲晴亦低我貧自
求力顏色常低迷時思靈臺下遊子正悽悽

雪壯冰亦堅凍澗如平地幽人毛褐煖笑就糟牀醉喚
人空谷應開火寒猿至拾薪煮秋栗看鼎書古字忽憶
南澗游夜巾多雲氣露腳尋逸僧諮量意中事

讀史

鬼書報秦亡天地亦云閉赤龍吟大野老母哭白帝蒼
蒼無白日項氏徒先濟六合已姓劉鴻門事難制坑降
嬴政在衣錦人望替宿昔見漢兵龍蛇滿旌檠始矜山
可拔終歎騅不逝區區亞父心未究天人際蕭張馬無
汗盛業垂千世

冬天荅客

冬日誠可愛不如夜漏多幸君霜露裏車馬犯寒過學

耕不逢年稂莠敗黍禾豈唯親賓散鳥鼠移巢窠獨見
青松心凌霜庇柔蘿壯日賤若此留恩意如何因憶古
丈夫一言重山河臨風彈楚劍為子奏燕歌

宿吳興道中苕村

浮客倦長道秋深夜如年久行惜日月常起雞鳴前夕
計今日程息車在苕川霜中水南寺金磬泠泠然疇昔
此林下歸心巢頂禪身依寤昏寐智月生虛圓羈旅違
我程去留難雙全觀身話往事如夢遊青天明發上賓

從寄聲琴上絃聊書越人意此曲名思仙

代楚老酬主人

流水為我鄉扁舟為我宅二毛去天遠幾日人間客
瞳瞳山景渺渺翔雲迹從時無定心病處不煖席煩君
問岐路為我生悽感百年衣食身未死皆有役曾傷無
遺嗣縱有復何益終古北邙山樵人賣松栢

沛中懷古

烟蕪歌風臺此是赤帝鄉赤帝今已矣大風邈淒涼惟

昔仗孤劔十年朝八荒人言生處樂萬乘巡東方高臺
何巍巍行殿起中央興言萬代事四坐沾衣裳我為異
代臣酌水祀先王撫事復懷昔臨風獨彷徨

夏日華山別韓博士愈

別地泰華陰孤亭潼關口夏日可畏時望山易遲久暫
因車馬倦一逐雲先後碧霞氣爭寒黃鳥語相誘三峯
多一作各異態迥舉仙人手天晴捧日輪月夕弄星斗幽
疑白帝近明見黃河走遠心不期來真境非我有鳥鳴

草木下日息天地右躑躅因風松青冥謝仙叟不知無
聲淚中感一顏一作顧厚青霄上何階別劍空朗扣故鄉
此關外身與名相守跡比斷根蓬憂如長飲酒生離抱
多恨方寸安可受咫尺歧路分蒼烟蔽回首

春日言懷

湛湛琴前酒期自賞青春胡為緘笑語深念不思身寂
寂花舞多嚶嚶鳥言頻心悲兄弟遠願見相似人江界
田土卑競來東作勤歲寒虛盡力家外無強親杳宵青

雲望無途同苦辛

題吳徵君巖居

堯澤潤天下許由心不知真風存綿綿常與達者期有
道吾不仕有生吾不欺澹然靈府中獨見太古時地脉
發醴泉巖根生靈芝天文若通會星影應離離亭亭傳
氏巖何獨萬古思

雲溪竹園翁

礪礪雲溪裏翠竹和

一作如

雲生古泉積澗深竦竦如刻

成楚客卧雲老世間無姓名因茲千畝業以代雙牛耕

亂林不可留

一作流

寸莖不可輕風煖鬪出地仰齊故年

莖幽室結白茅密葉羅衆清照水寒澹蕩對山綠崢嶸
蒼松含古貌秋桂儼白英相看受天風深夜憂擊聲

竊覽都官李郎中和李舍人益酬張舍人弘靜
夏夜寓直思聞雅琴見寄

朝草天子奏夜語思憂琴因聲含香氣其韻流水音仙
樂朱鳳意靈芝紫鸞心翻然遠求友豈獨雙歸林松吹

暑中冷星花池上深倘伴有聲樂請以絲和金

長安言懷

殷殷生念厚戚戚勞者多二時晝夜等百歲詎幾何日
下文翰苑側身識經過千慮恐一失翔陽已蹉跎臨觴
翦衆憂靜寄絲桐歌思歸繞十指五聲不相和暮天還
巢翼明日隕葉柯高謝岩谷人鹿衣帶女蘿生不去親
愛浮名若風波誰令不及此親愛隔山河

秋思三首

胡風吹鴈翼遠別無人鄉君近鴈來處幾迴斷君腸昔

奉千日書撫心怨星霜無書又千日世路重茫茫燕國

有一作佳麗蛾眉富春光自然君歸晚花落君空堂一作

古

房君其若不然

一作君若
謂不死

歲晚雙鴛鴦

顧兔蝕殘月幽光不如星女兒晚事夫顏色同秋螢秋
日邊馬嘶武夫不遑寧燕歌易水怨劒舞蛟龍腥風折
連枝樹水翻無蒂萍立身多門戶何必燕山銘生世不
如鳥雙雙比翼翎

季秋天地間

一作
閉

萬物生意足我憂長於生安得及草

木試從古人願致酒歌秉燭燕趙皆世人詎能長似玉
俯憐老期近仰視日車速蕭颯御風君魂夢願相逐百
年夜銷半端為垂纓束

歸鴈

南國春早煖渚蒲正月生東風吹鴈心上下和樂聲繞
水半空去拂雲偕一作
皆相迎如防失羣怨預有侵夜驚

渺邈天外影支離塞中鶯一作
嬰

自顧摧頽羽偏感南北

情乍甘煙霧勞不顧龍沙榮

一作榮

雖樂未歸意終不能

自鳴喜去春月滿歸來秋風清啼餘碧窗夢望斷陰山

行不及瑤簷

一作臺
一本缺

燕寄身金宮楹

悲湘靈

山上涼雲收日斜川風止娥皇五十弦秋深漢江水初
因無象外牽感百憂裏霜露結瑤華烟波勞玉指將隨
落葉去又繞疎蘋起哀響雲合來清餘桐半死女顏萬
歲後豈復嬋娟子不道神無悲那能久如此魂魄無不

之九山徒相似沒沒竟不從唯傷遠人耳斑斑淚篁下
恐有學瑟鬼

聞蟬

高蟬旦夕唳景物浮涼氣木葉漸驚年錦字因絡緯稍
斷當窗夢更悽臨水意清香筍蒂風曉露蓮花淚餘引
未全歇凝悲尋迴至星井欲望河月扇看藏筍誰念因
聲感放歌寫人事

懷幽期

清砧擊霜天外發楚僧期到石上月寒峯深虛獨遶盡
夜水淺急不可越窅機冥智難思量無盡性月如空王
眼界行處不著我天花下來惟有香我今胡為寄他鄉
思琴高

琴仙人得仙去萬古釣龍空有處我持曲鉤思白魚仙
溪綠盡含空虛天鈞蹤跡無遺餘燒香寄影在巖樹東
禮海日雞鳴初

得儲道士書

嬋娟春盡暮心秋

一作收

鄰里同年半白頭為問蓬萊近

消息海波平靜好東遊

寒夜吟

九衢金吾夜行行上宮玉漏遙分明霜颺乘陰掃地起
旅鴻迷雪遶枕聲遠人歸夢既不成留家惜夜歡心發
羅幕盡堂深皎潔蘭烟對酒客幾人獸

一作戰

火揚光二

三月細腰楚姬絲竹間白紵長袖歌閒閒豈識苦寒損

一作朱顏

採蓮曲二首

弄舟竭來南塘水荷葉映身摘蓮子暑衣清淨鴛鴦喜
作浪舞花驚不起殷勤護惜纖纖指水菱初熟多新刺
採蓮竭來水無風蓮潭如鑑一作鏡松如龍夏衫短袖交
斜紅豔歌笑鬪新芙蓉戲魚往聽蓮葉東

玉山謠奉送王隱者

鳳皇城南玉山高石脚聳立爭雄豪攢峯胎玉氣色潤
百泉透雲流不盡萬古分明對眼開五烟窈窕呈祥近

有客師事金身仙，用金買得山中田。閒開玉水灌芝草，
靜醉天酒松間眠。心期南溟萬里外，出山幾遇光陰改。
水玉丁東不可聞，冰華皎潔應如待。秋風引吾歌去來，
玉山綵翠遙相催。殷勤千樹玉山頂，碧洞寥寥寒錦苔。

歧路

北風送微寒，徒侶勤

一作行
李動

遠征

一作
程

憂人席不煖，殘

月馬上明，飄飄歧路間。長見日

一作
月

初生重嶂曉

一作
峯晚

色淺疎，援寒啼清人。間多歧路常恐終，身行回見四方

人車輪無留聲空谷亦堪隱下田非嬾耕古人有遺訓
飽食非親榮我生禮義鄉少小見太平聖賢猶羈旅況
復非其名

一本下有人生能幾許三十塵中行感此長歎息百年何所營四句

隴頭水

隴頭水千古不堪聞生歸蘇屬國死別李將軍細響風
凋草清哀雁落雲

沙上月

黃昏潮落南沙明月光涵沙秋雪清水文不上烟不蕩

平平玉田冷空曠

贈李黯將軍

細柳連營石澗牢
平安狼火赤星高
岩雲入角雕龍爽
寒日搖旗畫獸豪
搜伏雄兒欺魍魎
射聲遊騎怯分毫
聖人唯有河隍恨
寰海無虞在一勞

人日陪宣州范中丞傳正與范侍御宴

一作鮑防詩一

本侍御下有傳贊二字
宴下有東峰亭三字

人日春風綻早梅
謝家兄弟看花來
吳姬對客歌千曲

秦女留人酒百杯
絲柳向空輕

一作初

婉轉玉山看日漸

裴回流光易去歡
難得莫厭頻頻上此臺

古鑑

古鑑含靈氣象和
蛟龍盤鼻護金波
隱山道士未曾識
負局先生不敢磨
曾向春窗分綽約
誤迴秋水照蹉跎
世間縱有應難比
十斛明珠酬未多

送王煉師

聖母祠堂藥樹香
芭君承命薦椒漿
風雲大感精神地

雷雨頻過父母鄉
盡日一川侵草綠
迴車二麥遶山黃
野人久會神仙事
敢奏歌鐘慶萬箱

寄張十七校書李仁行秀才

去年八月此佳辰
池上閑閑四五人
久行月影愁迷夢
誤入華光笑認春
一與清風上芸閣
再期秋雨過龍津
今年此日何由見
蓬戶蕭條對病身

送王損之秀才赴舉

青門珮蘭客
淮水誓風流
名在鄉書貢
心期月殿遊
平

沙大河急細雨二陵秋感此添離恨年光不少留

舊鏡

團團銅鏡似潭水心愛玉顏私自親一經離別少年改
難與清光相見新

憶郊天

憶向郊壇望武皇九軍旗帳下南方六龍日馭天行健
神母呈圖地道光濃煖氣中生歷草是非烟裏愛瑤漿
至今滿耳簫韶曲徒羨瑤池舞鳳皇

期盡

魚鑠生衣門不開玉筐金月共塵埃
青山石婦千年望
雷雨曾知來不來

晚山蟬

山蟬秋晚妨人語客子驚心馬亦嘶
能閱幾時新碧樹
不知何日寂金閨若逢海月明千里
莫忘何郎寄一題
秋暮送裴均員外刺婺州

婺女星邊氣不秋金華山水似瀛州
含香太守心清淨

去與神仙日日遊

寄薛膺昆季

楚山清洛兩無期
夢裏春風玉樹枝
何況芙蓉樓上客
海門江月亦相思

揚真人錄中像

畫中留得清虛質
人世難逢白鶴身
應見茅盈哀

一作
哀

老弟為持金籙救生人

寄盧給事汀吳員外丹

姓丁黃鶴遼東去客倩仙翁海上人聞道姓名多改變
只今偕是聖朝臣

懷王直秀才

鄉無竹園為三徑貧寄鄰家已二年惟有素風身未墜
世間開口不言錢

贈一作真公影堂

舊房西壁畫支公昨暮今晨色不同遠客間一作心無

處所獨添香火望虛空

贈僧戒休

風行露宿不知貧
明月為心又是身
欲問月中無我法
無人無我問何人

秋夜懷紫閣峯僧

滿山雨色應難見
隔澗經聲又不聞
紫閣夜深多入定

石臺

一作
苔

誰為掃秋雲

酬江公見寄

曾荅鴈門偈為憐
同社人多慙惠休
句

一作
日

偕得此一作

比
陽春

送羅侍御歸西臺

歸臺新柱史辭府舊英髦
勸酒蓮幕貴望塵驄馬高
詩情分繡段劔彩拂霜毫
此舉闕風化誰云別恨勞

宿水亭

雕楹綵檻壓通波
一作陂魚鱗碧幕銜曲玉
夜深星月伴

芙蓉如在廣寒宮裏宿

寄峩嵒山楊煉師

道士夜誦藥珠經白鶴下遶香烟聽夜移經盡人上鶴
仙風吹入秋冥冥

寄海陵韓長官

吏散重門印不開玉琴招鶴舞裴回野人為此多東望
雲雨仍從海上來

淮南卧病

一本無此四字

感路羣侍御訪別

西臺御史重難言落木疎籬遶病魂一望青雲感驄馬

欵行黃草

一作葉

出柴門

題禪定寺集公竹院

公門得休靜禪寺少逢迎
客看花醉隨僧入竹行
歸時常犯夜雲裏有經聲

風箏

何響與天通
瑤箏挂望中
彩絃非觸指
錦瑟忽聞風
鴈柱虛連勢
鸞歌且墜空
夜和霜擊磬
晴引鳳歸桐
幽咽誰生怨
清冷自匪躬
秦姬收寶匣
搔首不成功

御定全唐詩卷四百八十六

欽定四庫全書蒼要卷一萬七千八百九十二

集部

御定全唐詩卷四百八十七

鮑溶

經舊遊

遊魚懷故池倦鳥懷故窠故山繫歸念行坐青巍我羸
馬經舊途此鄉喜重過居人無故老倍感別日多但見
野中墳纍纍如青螺涼風日搖落桑下松婆娑歎息追
古人臨風傷逝波古人無不死歎息欲如何竭來遂遠

心默默存天和

過薛舍人舊隱

寢門來哭夜此月小祥初風意猶憶瑟螢光乍近書牆

蒿藏宿鳥池月上鉤

一作吹

魚徒引相思淚涓涓東逝餘

山居

窈窕垂澗蘿蒙茸黃

一作采

葛花鴛鴦憐

一作臨

碧水照影

舞金沙

暮秋與裴居晦宴因見採菊花之作

一本題作暮秋見菊

菊花低色過重陽似憶王孫白玉觴今日王孫好收採
高天已下雨迴霜

望麻姑山

幽人往往懷麻姑浮世悠悠仙景

一作境

殊自從青鳥不

堪使更得蓬萊消息無

湖上望月

湖上清涼月更好天邊旅人猶未歸幾見金波滿還破
草蟲聲畔露沾衣

襄陽懷古

襄陽太守沈碑意身後身前幾年事湘江千歲未為陵
水底魚龍應識字

秋夜對月寄僧特

憶見特公賞秋處涼溪看月清光寒今夕深溪又相映
特公何處共團圓

望江中

一本無江
中二字

金山寺

一朵蓬萊在世間梵王宮闕翠雲間
一作近南溪水更

清淺聞道遊人未忍還

宿青牛谷梁煉師仙居

隨雲步入青牛谷
青牛道士留我宿
可憐夜久月中行
惟有壇邊一枝竹

得僧書

身歸紫霄嶺
書下白雲來
翦筍發寒字
燒花芳夜雷
想隨香馭至
不假定鐘催

見袁德師侍御說江南有仙檀花因以戲贈

聞說天壇花耐涼
笑風寒露對秋光
欲求御史更分別
何似衣花歲歲香

和王璠侍御酬友人贈白角冠

芙蓉寒豔鏤冰姿
天朗燈深拔豸時
好見吹笙伊洛上
紫烟丹鳳亦相隨

送僧擇棲

一本無
上二字

遊天台二首

身非居士常多病
心愛空王稍覺閒
師問守禪何處所

浙東

一作
南

青翠沃洲山

金嶺雪晴僧獨歸
水文霞彩衲

一作納

禪衣可憐石室燒

香夜江月對心無是非

上巳日寄樊瓘樊宗憲兼呈上浙東孟中丞簡

世間禊事風流處
鏡裏雲山若畫屏
今日會稽王內史
好將賓客醉蘭亭

暮春戲贈樊宗憲

羌笛胡琴春調長
美人何處樂年芳
野船弄酒鴛鴦醉
官路攀花驀裏狂
應和朝雲垂手語
肯嫌夜色斷刀光

酬王侍御

慙非青玉製故以贈仙郎
希冀留書問提攜在筆牀
詎能輝繡服安得似芸香
所報何珍重清明勝夜光

寄宋申錫評事時從李少師移軍回歸

君逐元侯靜虜歸
虎旗龍節駐春暉
欲求岱岳燔柴禮
已錫魯人縫掖衣
長劔一時天外倚
五雲多遶日邊飛

心期共賀太平世
去去故鄉親

一作其

食薇

夏日懷杜棕駙馬

五月清涼蕭史家
瑤池分水種菱花
迴文地簾龍鱗浪
交鑠天窗蟬翼紗
閒遣青琴飛小雪
自看碧玉破甘瓜
仍聞聖主知書癖
鳳閣燒香對五車

鶯雛

雙鶯銜野蝶枝上
教雛飛避日花陰
語愁風竹裏啼須
防美人賞為爾好
毛衣

上陽宮月

水北宮城夜拆嚴
宮西新月影纖纖
受環花幌小開鏡

移燭瑤房皆捲簾學織機邊娥影靜拜新衣上露華沾
合裁班扇思行幸願託涼風篋竒嫌

淮南卧病聞李相夷簡移軍山陽以靖東寇感
激之下因抒長句

太白星前龍虎符元臣出將順天誅教聞清淨蕭丞相
計立安危范大夫玉帳黃昏大刀斗月營寒曉小單于
魯連未必蹈滄海應見麒麟新畫圖

讀淮南李相行營至楚州詩

聞外建牙威不賓古來戡難憶忠臣已分舟楫歸元老
更使熊羆屬丈人玄象合教滄海晏青龍喜應太山春
來年二月登封禮去望台星扈日輪

讀李相心中樂

第六句
缺一字

負海狂鯨縱巨鱗四朝天子阻時巡誰將侯王乖南面
幾使戎車殷左輪久作妖星虛費日終天洞亦何人
果聞丞相心中樂上贊陶唐一萬春

聞國家將行封禪聊抒臣情

雲雨由來隨六龍
玉泥瑤檢不乾封
山知顛祚新煙火
臣望簫韶舊鼓鐘
清蹕間過素王廟
翠華高映大夫松
旅中病客諳堯曲
身賤何由奏九重

和淮南李相公夷簡喜平淄青迴軍之作

橫笛臨吹發曉軍
元戎幢節拂寒雲
搜山羽騎乘風引
下瀨樓船背水分
天際獸旗搖火燄
日前魚甲動金文
馬毛不汗東方靖
行見蕭何第一勛

秋暮八月十五夜與王璠侍御賞月因愴遠離

聊以奉寄

前月月明夜美人同遠光清塵一以間今夕坐相忘風
落芙蓉露凝餘繡服香

送蕭世秀才

心交別我西京去愁滿春魂不易醒從此無人訪窮一作

貧病馬蹄一作車轍草青青

懷惠明禪師

秋天欲霜夜無風我意不在天地中雪山世界此涼夜

寶月獨照瑠璃宮
解空長老蓮花手
曾以佛書親指授
雪嶺無人又問來
十年夏臘平安否

吳中夜別

楚客秋思著黃葉
吳姬夜歌停碧雲
聲盡燈前各流淚
水天涼冷鴈離羣

隋家井

玉鈎欄下寒泉水
金轆轤邊影照人
此水今為九泉路

數
一作
枝花照數堆塵

寄王璠侍御求蜀箋

蜀川賤紙綠雲初聞說王家最有餘野客思將池上學

石楠

一作練帶

紅葉不堪書

湘妃列女操

有虞夫人哭虞后淑女何事又傷離竹上淚跡生不盡
寄哀雲和五十絲雲和終奏鈞天曲乍聽寶琴遙嗣續
三湘測測流急綠秋夜露寒蜀帝飛楓林月斜楚臣宿
更疑川宮日黃昏閣攜女手殷勤言環珮玲瓏有無間

終疑既遠雙悄悄蒼梧舊雲豈難召老猿心寒不可嘯
目眇眇兮意蹉跎魂騰騰兮驚秋波曲一盡兮憶再奏
衆絃不聲且如何

羽林行

朝出羽林宮入參雲臺議獨請萬里行不奏和親事君
王重年少深納開邊利寶馬雕玉鞍一朝從萬騎煌煌
都門外祖帳光七貴歌鐘樂行軍雲物慘別地簫笳整
部曲幢蓋動郊次臨風親戚懷滿袖兒女淚行行復何

贈長劍報恩字

鳴鴈行

七月朔方鴈心苦
聯影翻空落南土
八月江南陰復晴
浮雲繞天難夜行
羽翼勞痛心虛驚
一聲相呼百處鳴
楚童夜宿煙波側
沙上布羅連草色
月闔風悲欲下難
不知何處容棲息
楚童胡為傷我身
爾不曾作遠行人
江南羽族本不少
寧得網羅此客鳥

織婦詞

百日織綵絲一朝停杼機機中有雙鳳化作天邊衣使
人馬如風誠不阻音聲影響隨羽翼雙雙繞君飛行人
豈願行不怨不知歸所怨天盡處何人見光輝

塞上行

西風應時筋角堅承露牧馬水草冷可憐黃河九曲盡

氈館牢落胡

一作樹

無影

採珠行

東方暮空海面平驪龍弄珠燒月明海人驚窺水底火

百寶錯落隨龍行浮心一夜生姦見月質龍軀看幾遍

擘波下去忘此身迢迢謂海無靈神海宮正當龍睡重

昨夜孤光今得弄河伯空憂水府貧天吳不敢相驚動

一團氷容掌上清四面人入光中行騰華乍揺白日影

銅鏡萬古羞為靈海邊老翁怨狂子抱珠哭向無底水

一富何須龍領前千金幾葬魚腹

一作腸

裏鱗蟲變化回

陰陽填海破山無景光拊心髣髴失珠意此土為爾離

農桑飲風衣日亦飽煖老翁擲却荆

一作同

雞卵

采葛行

春溪幾回葛花黃黃麝引子山山香蠻女不惜手足損
鈎刀一一牽柔長葛絲茸茸春雪體深澗擇泉清處洗
殷勤十指蠶吐絲當窗娟娟聲高機織成一尺無一兩
供進天子五月衣水精夏殿開涼戶冰山繞座猶難御
衣親玉體又何如杳然獨對秋風曙鏡湖女兒嫁鮫人
鮫綃逼肖也一作色不分吳中角簟泛清水搖曳勝被三
素雲自茲貢薦無人惜那敢更爭龍手跡蠻女將來海

市頭賣與嶺南貧估客

南塘二首

南塘旅舍秋淺清夜深綠蘋風不生蓮花受露重如睡
斜月起動鴛鴦聲

塘東白日駐紅霧早魚翻光落碧潯畫舟蘭棹欲破浪
恐畏驚動蓮花心

東鄰女

雙飛鷓鴣春影斜美人盤金衣上花身為父母幾時客

一生知向何人家

寄李都護

去年河上送行人萬里弓旌一武臣
聞道玉關烽火滅
犬戎知有外家親

長安旅舍懷舊山

昨夜清涼夢本山
眠雲喚鶴有慙顏
青蓮道士長堪羨
身外無名至老閒

漢宮詞二首

栢梁宸居清窈窕東方先生夜待詔夜久月當承露盤
內人吹笙舞鳳鸞

月映東窗似玉輪未央前殿絕聲塵宮槐花落西風起
鸚鵡驚寒夜喚人

薦冰

西陸宜先啟春寒寢廟清歷官分氣候天子薦精誠已
辨瑤池色如和玉珮鳴禮餘神轉肅曙後月殘明雅合
霜容潔非同雪體輕空憐一掬水珍重此時情

送薛補闕入朝

一作鮑防詩

平原門下十餘人，獨受恩多未殺身。
每歎陸家兄弟少，更憐楊氏子孫貧。
柴門已斷施行馬，魯酒那能醉近臣。
賴有軍中遺令在，猶將談笑對風塵。

句

萬里岐路多一身，天地窄。

見張為主容圖

御定全唐詩卷四百八十七

欽定四庫全書蒼齋要卷一萬七千八百九十三

集部

御定全唐詩卷四百八十八

盧鈞

盧鈞字子和舉進士中第嘗為李絳裴度幕僚歷嶺南山南昭義宣武節度大中時召為左僕射後以太保致仕卒年八十七詩一首

薦冰

薦冰朝日後闕廟曉光清不改晶瑩質能彰雨露情且

無霜共潔豈與水均明在捧搖寒色當呈表素誠凝姿
陳俎豆浮彩映窓楹皎皎盤盂側稜稜嚴氣生

范傳質

范傳質元和進士第詩一首

薦冰

乘春方啓閉羞獻有常程潔朗寒光徹輝華素彩明色
凝霜雪淨影照冕旒清肅肅將崇禮兢兢示捧盈方圓
陳玉座大小表精誠朝覲當西陸桃弧每共行

賈謩

賈謩元和進士詩一首

賦得芙蓉出水

的皪舒芳豔紅姿映綠蘋
搖風開細浪出沼媚清晨
翻影初迎日流香暗襲人
獨披千葉淺不競百花春
魚戲參差動龜游次第新
涉江如可採從此免迷津

陳彥博

陳彥博元和五年進士第詩一首

恩賜魏文貞公諸孫舊第以導直臣

阿衡隨逝水池館主他人天意能酬德雲孫喜庇身生

前由直道歿後振芳塵雨露新恩日芝蘭舊一作里春

勲庸留十代光彩映諸鄰共賀升平日一作從茲得諫

臣

唐扶

唐扶字雲翔晉陽人莒公儉之後元和五年登進士第
為侍御史終福州團練觀察使詩二首

使南海道長沙題道林岳麓寺

道林岳麓仲與昆卓榮請從先後論松根踏雲二千步
始見大屋開三門泉清或戲蛟龍窟殿豁數盡高帆掀
即今異鳥聲不斷聞道看花春更繁從容一衲分若有
蕭瑟兩鬢吾能髡逢迎侯伯轉覺貴膜拜佛像心加尊
稍抑皇英頰濃淚試與屈賈招清魂荒唐大樹悉楠桂
細碎枯草多蘭蓀沙彌去學五印字靜女來懸千尺幡
主人念我塵眼昏半夜號令期至暎遲回雖得上白舫

羈泄不敢言綠尊兩祠物色採拾盡壁間杜甫真

一作原

少恩晚來光彩更騰射筆鋒正健如可吞

和兵部鄭侍郎省中四松詩

松是中書相公任侍郎日手栽一

本作奉和中書相公任兵

部侍郎日後閣植四松

幽抱應無語貞松遂自裁寄懷丞相業因擢大夫材日
射蒼鱗動塵迎翠幕迴嫩苒含細粉初葉泛新栝偶聖
為舟去逢時與鶴來寒聲連曉竹靜氣結陰苔赫奕鳴
騶至熒煌洞戶開良辰一臨眺憇樹幾衰回恨發風期

阻詩從綺思裁還聞舊凋契凡在一作九萬此中培

陶雍

陶雍元和間人詩一首

和兵部鄭侍郎省中四松詩鄭侍郎澣也

右相歷兵署四松皆手栽
斲時驚鶴去移處帶雲來
根倍雙桐植花分八桂開
生成造化力長作棟梁材
豈羨蘭依省猶嫌柏占臺
出樓終百尺入夢已三台
幽韻和宮漏餘香度酒杯
拂冠枝上雪染履影中苔
高位相承

地新詩寡和才何由比蘿蔓攀附在條枚

郭周藩

郭周藩河東人登元和六年第詩一首

譚子池

澄水一百步世名譚子池余詰陵陽叟此池當因誰父
老謂余說本郡譚叔皮開元末年中生子字阿宜墜地
便能語九歲多鬚眉不飲亦不食未嘗言渴飢十五銳

一作能
行走快馬不能追二十入山林一去無還期父母

憶念深鄉閭為立祠大歷元年春此兒忽來歸頭冠簪

鳳凰身著霞

一作霓

裳衣普遍拯疲俗丁寧告親知余為

神仙官下界不可祈恐為妖魅假不如早平夷此有黃金藏鎮在茲廟基發掘散生聚可以救貧羸金出繼靈泉湛若清琉璃泓澄表符瑞水旱無竭時言訖辭冲虛杳靄上玄微凡情留不得攀望衆號悲尋稟神仙誠徹廟斷開窺果獲無窮寶均融霑因危巨源出嶺頂噴湧世間稀異境流千古終年福四維

侯列

一作
列

侯列元和六年進士第詩二首

金谷園花發懷古

金谷千年後春花發滿園紅芳徒笑日穠豔尚迎軒雨
濕輕光軟風搖碎影翻猶疑施錦帳堪歎罷朱紈愁態
鶯吟澀啼容露綴繁慙勤問前事桃李竟無言

花發上林

花發三陽盛香飄五柞深素暉雲積苑紅彩繡張林落

水隨魚戲搖風映鳥吟瓊樓出高豔玉輦駐濃陰亂蝶
枝間影繁蜂藥上音鮮芳盈禁藥布澤荷天心

王質

王質字華卿太原祁人文中子之後元和六年登第太
和中歷河南尹宣歙觀察使詩一首

金谷園花發懷古

寂寥金谷澗花發舊時園人事空懷古煙霞此獨存管
弦非上客歌舞少王孫繁藥風驚散輕紅鳥乍翻山川

終不改桃李自無言今日經塵路淒涼詎可論

高銖


高銖字權仲元和六年登第為太原判官檢校觀察御史大中初終太常卿詩一首

和太原張相公山亭懷古

鬪石類巖巘飛流瀉潺湲遠壑簷宇際孤巒雉堞間何必到海岳境幽機自閒茲焉得高趣高步謝東山

御定全唐詩卷四百八十八

謹案卷四百八十六第十三頁後三行不及瑤簾
燕按簾字字典不載疑訛



總校官庶吉士臣張能照

校對官庶吉士臣翟槐

校對官庶吉士臣許兆椿

謄錄貢生臣王嘉稷

謄錄舉人臣胡鼎容

欽定四庫全書薈要

集部

御定全唐詩卷四百

八十九至
九十二


詳校官原任主事_臣李斯咏

欽定四庫全書蒼要卷一萬七千八百九十四

集部

御定全唐詩卷四百八十九

舒元興


舒元興婺州東陽人元和中登進士第調鄆尉裴度表
掌興元書記拜監察御史再遷刑部員外郎改著作郎

分司東都李訓與元興善訓用事再遷左司郎中御史
大夫李固言表知雜事固言輔政權知御史中丞不三
月即真兼刑部侍郎專附鄭注月中以本官同中書門

下平章事甘露之變為仇士良所害詩六首編為一卷
八月五日中部官舍讀唐歷天寶已來追愴故
事

將尋國朝事靜讀柳芳歷八月日之五開卷忽感激正
當天寶末撫事坐追惜仰思聖明帝貽禍在肘掖楊李
盜吏權貪殘日狼籍燕戎伺其便百萬奮長戟兩河連
煙塵二京成瓦礫生人死欲盡揆業猶不息肅宗傳寶
圖寇難連年擊天地方開泰鑄鼎成繼述萬國哭龍衮

悲思動蠻陌自此千秋節不復動金石悲風揚霜天總
帷冷塵席零落太平老東西亂離客往往為余言嗚咽
淚雙滴况當近塞地哀吹起邊笛撫几觀陳文使我心
不懌花萼笑繁華溫泉樹容碧霓裳煙雲盡梨園風雨
隔露囊與金鏡東逝驚波溺昔聞歡娛事今日成慘感
神仙不可求劔璽苔文積萬古長恨端蕭蕭泰陵陌

坊州按獄

中部接戎塞頑山四周遭風冷木長瘦石磽人亦勞牧

守苟懷仁癢

一作因

之時為搔其愛如赤子始得無啼號

柰何貪狼心潤屋沉脂膏攫搏如猛虎吞噬若狂獒山
秃逾高採水窮益深撈龜魚既絕跡鹿兔無遺毛氓苦
稅外緡吏憂笑中刀大君明四目燭之洞秋毫眷茲一
州命慮齊墜波濤臨軒詔小臣汝往窮貪饕分明舉公
法為我緩窮騷小臣誠小心奉命如煎熬飲冰不待夕
驅馬凌晨臯及此督簿書遊詞出狴牢門墻見狼狽案
牘聞腥臊探情與之言變態如女姦猱真非既巧飾偽意

乃深韜去惡猶農夫稂莠須耘耨恢恢布疎網罪者何
由逃自顧孱鈍姿利器非能操六旬始歸奏霜落秋原
蒿寄謝守土臣努力清郡曹須知聽甚卑勿謂天之高

橋山懷古

軒轅厭代千萬秋淥波浩蕩東南流今來古往無不死
獨有天地長悠悠我乘驛騎到中部古聞此地為渠搜
橋山突兀在其左荒榛交鑠寒風愁神仙天下亦如此
况我感促同蜉蝣誰言衣冠葬其下不見弓劍何人收

哀喧叫笑牧童戲陰天月落狐狸遊却思皇墳立人極
車輪馬跡無不周洞庭張樂降玄鶴涿鹿大戰摧蚩尤
知勇神天不自大風后力牧輸長籌襄城迷路問童子
帝鄉歸去無人留崆峒求道失遺跡荆山鑄鼎餘荒丘
君不見黃龍飛去山下路斷髯成草風颼颼

坊州按獄蘇氏莊記室二賢自鄜州走馬相訪
留連數日發後獨坐寂寞因成詩寄之

十年一相見世俗信多岐雲雨易分散山川長間之我

銜鳳闕恩按獄橋山陸君在龍驤府掌奏羽檄詞相去
百餘里魂夢自相馳形容在胸臆書札通相思煩君愛
我深輕車忽載脂塞門秋色老霜氣方凝姿此地少平
川岡阜相參差誰知路非遠行者多云疲君能犯勁風
信宿凌歊危情親不自倦下馬開雙眉相對坐沉吟屈
指驚歲時萬事且莫問一杯欣共持陽烏忽西傾明蟾
挂高枝卷簾引瑤玉滅燭臨霜墀中庭有疎蘆淅淅聞
風吹長河卷雲色凝碧無瑕疵一言開我懷曠然澹希

夷悠悠夜方永冷思偏相宜
眉睫無他人與君閒解題
陶然叩寂寞更請吟清詩
得意且忘言何況竹與絲
頃刻過三夕起坐輕四肢
明朝告行去慘然還別離
出門送君去君馬揚金羈
迴來坐空堂寂寞無人知
重重碧雲合何處尋佳期

履春冰

投跡清冰上凝光動早春
兢兢愁陷履步步怯移身
鳥照微生水狐聽或過人
細遷形外影輕躡鏡中輪
咫尺

憂偏遠危疑懼已頻願堅容足分莫使獨驚神

贈李翱

李翱在潭州席上有舞柘枝者顏色憂悴殷堯藩侍御當筵贈詩曰姑蘇太守

青娥女流落長沙舞柘枝滿座繡衣皆不識可憐紅臉淚雙垂翱詰其事乃故蘇臺韋中丞愛姬所生之女也曰妾以昆弟夭折委身樂部恥辱先人言訖涕咽情不能堪亞相為之吁歎且曰吾韋族姻舊速命更其舞服飾以袿襦迺與韓夫人相見顧其言語清楚宛有冠蓋風儀遂於賓榻中選士而嫁之元

輿聞之自京馳詩贈翱

湘江舞罷忽成悲便脫蠻靴出絳帷誰是蔡邕琴酒客

魏公懷舊嫁文姬

御定全唐詩卷四百八十九

欽定四庫全書薈要卷一萬七千八百九十五

集部

御定全唐詩卷四百九十

盧宗回

盧宗回字望淵南海人登元和十年進士第終集賢校理詩一首

登長安慈恩寺塔

東方曉日上翔鸞西轉蒼龍拂露盤渭水寒

一作冷

光搖

藻井玉峰晴色上朱闌

一作欄干

九重宮闕參差見百二山

河表裏觀整輟去蓬悲不定一凭金界望長安

周匡物

周匡物字幾本漳州人元和十一年進士及第仕至高
州刺史詩五首

古鏡歌

軒轅鑄鏡誰將去曾被良工瀉金取明月中心桂不生
輕冰面上菱初吐蛟龍久無雷雨聲鸞鳳空踏莓苔舞
欲向高臺對曉開不知誰是孤光主

及第謠

水國寒消春日長
燕鶯催促花枝忙
風吹金榜落凡世
三十三人名字香
遙望龍墀新得意
九天勅下多狂醉
驂騑一百三十蹄
踏破蓬萊五雲地
物經千載出塵埃
從此便為天下瑞

及第後謝座主

一從東越入西秦
十度聞鶯不見春
試向崑山投瓦礫
便容靈沼濯一作浣
埃塵
悲歡暗負風雲力
感激潛生草

一作
木身中夜自將形影語
古來吞炭是何人

自題讀書堂

窗外捲簾侵碧落
檻前敲竹嚮青冥
黃昏不欲留人宿
雲起風生龍虎醒

應舉題錢塘公館

萬里茫茫天塹遙
秦皇底事不安橋
錢塘江口無錢過
又阻西陵兩信潮

廖有方

廖有方交州人元和十一年進士第改名游卿官校書
郎詩一首

題旅櫬

并記一本題作葬
寶雞逆旅士人銘詩

余元和乙未歲落第西征適此聞呻吟之聲潛聽
而微惋也問其疾苦住止對曰辛勤數舉未遇知
音盼睐叩頭久而復語唯以殘骨相託餘不能言
俄而逝余乃鬻所乘馬於村豪備棺瘞之恨不知
其姓氏臨岐悽斷復為銘曰

嗟君沒世委空囊幾度勞心翰墨場
半面為君申一慟
不知何處是家鄉

皇甫曙

皇甫曙元和十一年登第寶曆間
崔從鎮淮南署為行
軍司馬詩一首

立春日呈宮傅侍郎

朝旦微風吹曉霞散為和氣滿家家
不知容貌潛消落
且喜春光動物華出問池冰猶塞岸
歸尋園柳未生芽

摩娑酒甕重封閉待入新年共賞

一作看花

潘存實

潘存實字鎮之漳浦人元和十三年進士第仕至戶部侍郎詩一首

賦得玉聲如樂

表質自堅貞因人一扣鳴靜將金並響妙與樂同聲
杳疑風送泠泠似曲成韻含湘瑟切音帶舜弦清不獨
歲虹氣猶能暢物情后夔如為聽從此振琮琤

陳去疾

陳去疾字文醫侯官人元和十四年及第歷官邕管副
使詩十三首

送林刺史簡言之漳州

江樹欲含曛清歌一送君
征驂辭荔浦別袂暗松雲
路狹橫柯度山深墜葉聞
明朝宿何處未忍醉中分

憶山中

長吟重悒然為憶山
中年清瑟泛遙夜
亂花隨暮烟珠

林餘露氣乳竇滴香泉跡遠塵埃外花開綺藻前巖羅
雲貌逸竹抱水容妍蕙磴飛英遠萍潭片影懸林藏千
曲勝臺擅一峰偏會可標真寄焚香對石筵

元夕京城和歐陽衮

蘭焰芬芳徹曉開珠光新靄映人來歌迎甲夜催銀管
影動繁星綴玉臺別有朱門春澹蕩不妨芝火翠崔嵬
此時月色同霑醉何處游輪陌上回

送韓將軍之鴈門

荒塞峰烟百道馳鴈門風色暗旌旗破圍鐵騎長驅疾
飲血將軍轉戰危畫角吹開邊月靜縵纓不信虜塵窺
歸來長揖功成後黃石當年故有期

賦得騏驎長鳴

騏驎忻知已嘶鳴忽異常積悲攄怨抑一舉徹穹蒼迹
類三年鳥心馳五達莊何言從蹇躓今日逐騰驤牛皁
休維繫天衢恣陸梁向非逢伯樂誰足見其長

偶題

魂夢天南垂宿昔萬里道池臺花氣深到處生春草

春宮曲

流鶯春曉喚櫻桃花外傳呼殿影高抱裏琵琶最承寵
君王勅賜玉檀槽

采蓮曲

粉光花色葉中開荷氣衣香水上來棹響清潭見斜領
雙鴛何事亦相猜

踏歌行

鴛鴦樓下萬花新
翡翠宮前百戲陳
天矯翔龍銜火樹
飛來瑞鳳散芳春

仙蹕初傳紫禁香
瑞雲開處夜花芳
繁弦促管升平調
綺綴丹蓮借月光

塞下曲

春至金河雪似花
蕭條玉塞但胡沙
曉來重上關城望
惟見驚塵不見家

送人謫幽州

臨路深懷放廢慚
夢中猶自憶江南
莫言塞北春風少
還勝炎荒入瘴嵐

西上辭母墳

高蓋山頭日影微
黃昏獨立宿禽稀
林間滴酒空垂淚
不見丁寧囑早歸

御定全唐詩卷四百九十

欽定四庫全書薈要卷一萬七千八百九十六

集部

御定全唐詩卷四百九十一

張蕭遠

張蕭遠元和進士登第籍之弟也詩三首

履春冰

一步一愁新
輕輕恐陷人
薄光全透日
殘影半銷春
蟬想行時翼
魚驚躡處鱗
底虛難駐足
岸濶怯迴身
豈暇踟躕久
寧辭顧盼頻
願將兢慎意
從此赴通津

觀燈

十萬人家火燭光
門門開處見紅妝
歌鐘喧夜更漏暗
羅綺滿街塵土香
星宿別從天畔出
蓮花不向水中芳
寶釵驟馬多遺落
依舊明朝在路傍

送宮人入道

捨寵求仙畏色衰
辭天素面立階墀
金丹擬駐千年貌
玉指休勻八字眉
師主與收珠翠後
君王看戴角冠時
從來宮女皆相妬
聞向瑤臺盡淚垂

句

秦雲寂寂僧還定
盡日無人鹿遶床
日暮風吹官渡

柳白鷗飛出石頭牆

廢城

雙雙白燕入詞堂

乳石洞玉女詞

並

見主客圖

李播

李播登元和進士第以郎中典蘄州詩一首

見志

去歲買琴不與價
今年沽酒未還錢
門前債主雁行立

屋裏醉人魚貫眠

王季則

王季則登元和進士第詩一首

魚上冰

北陸收寒盡東風解凍初
冰消通淺溜氣變躍潛魚
應節似知化揚鬢任所如
浮沈非樂藻沿泝異傳書
結網時空久臨川意有餘
為龍將可望今日媿才虛

紀元臯

紀元臯元和進士詩一首

魚上冰

一作王公亮詩

春生寒氣滅

一作滅

稍動伏泉魚乍喜東風至來觀曲浦

初近冰朱鬣見望日錦鱗舒漸覺流澌退還忻掉尾餘
驗喁情自樂沿沂意寧疎儻得隨鯤化終能戾太虛

吳晁

一作晁

吳晁元和進士詩一首

魚上冰

春水潛鱗發寒潭舊藻踈揚鬢順氣後振鬣上冰初戲
廣憐空潔浮清媚景虛戒貪還避餌思達每懷書濕映
流澌薄狂遊觸浪餘終希泮渙澤為化北溟魚

鄭還古

鄭還古元和中登進士第終國子博士詩三首

贈柳氏妓

冶豔出神仙歌聲勝管弦詞輕

一作
眼看

白紵曲歌過

一作
欲

碧雲天未擬生袞秀如何乞鄭玄不堪金谷水橫過墜

樓前

吉州道中

吉州新置掾馳驛到條山
蕙苾殊非謗羊腸未是艱
自慚多白髮爭敢競朱顏
若有前生債今朝不懊還

望思臺

讒語能令骨肉離
姦情難測事堪悲
何因掘得江充骨
搗作微塵祭望思

獨孤鉉

獨孤鉉隴右人登元和進士第詩一首

日南長至

玉歷頒新律凝陰發一陽輪輝猶惜短圭影此偏長晷
度經南斗流晶盡北堂乍疑周戶耀可愛逗林光積雪
銷微照初萌動早芒更升臺上望雲物已昭彰

王初

王初并州人仲舒之長子也元和末登進士第詩十九
首

延平天慶觀

劍化江邊綠構新層臺不染玉梯塵千章隱篆標龍簡
一曲空歌降鳳鈞嵐氣濕衣雲葉晚天香飄戶月枝春
盟經早晚聞仙語學種三芝伴羽人

送葉秀才

快騎璵璠刻玉羈河梁返照上征衣層冰春近蟠龍起
九澤雲閒獨鶴飛行想北山清夢斷重遊西洛故人稀
漢庭狗監深知已有日前驅負弩歸

送王秀才謁池州吳都督

池陽去去躍雕鞍
十里長亭百草乾
衣袂鄣風金鏤細
劍光橫雪玉龍寒
晴郊別岸鄉魂斷
繞樹啼烏客夢殘
南館星郎東道主
搖鞭休問路行難

青帝

青帝邀春隔歲還
月娥孀獨夜漫漫
韓憑舞羽身猶在
素女商弦調未殘
終古蘭巖棲偶鶴
從來玉谷有離鸞
幾時幽恨飄然斷
共待天池一水乾

銀河

閭闔踈雲漏絳津橋頭秋夜鵲飛頻猶殘仙媛湔帟水
幾見星妃度襪塵歷歷素榆飄玉葉涓涓清月濕冰輪
年來若有乘槎客為弔波靈是楚臣

書秋

千里南雲度塞鴻秋容無跡淡平空人間玉嶺清宵月
天上銀河白晝風潘賦登山魂易斷楚歌遺佩怨何窮
往來未若竒張翰欲鱸一作鱸霜鯨碧海東

自和書秋

隴首斜飛避弋鴻
頽雲蕭索見層空
漢宮夜結雙莖露
閭闔涼生六幕風
湘女怨弦愁不禁
鄂君香被夢難窮
江邊兩槳連歌渡
驚散遊魚蓮葉東

立春後作

東君珂珮響珊珊
青馭多時下九關
方信玉霄千萬里
春風猶未到人間

梅花二首

應為陽春信未傳
固將青豔屬殘年
東君欲待尋佳約
剝寄衣香與粉綿

迎春雪豔飄零極
度夕蟾華掩映多
欲托清香傳遠信
一枝無計奈愁何

春日詠梅花二首

靚妝纔罷粉痕新
遞曉風回散玉塵
若遣有情應悵望
已兼殘雪又兼春

青帝來時值遠芳
殘花殘雪尚交光
隔年擬待春消息

得見春風已斷腸

即夕

榆葉飄零碧漢流
玉蟾珠露兩清秋
仙家若有單棲恨
莫向銀臺半夜遊

送陳校勘入宿

日落風回卷碧霓
芳蓬一夜拆龍泥
銀臺級級連清漢
桂子香濃月杵低

即夕

風幌涼生白袷衣
星榆纔亂絳河低
月明休近相思樹
恐有韓憑一處棲

早春詠雪

句芒宮樹已先開
珠蘂瓊花鬪剪裁
散作上林今夜雪
送教春色一時來

望雪

銀花珠樹曉來看
宿醉初醒一倍寒
已似王恭披鶴氅
凭欄仍是玉欄干

雪霽

星榆葉葉晝離披
雲粉千重凝不飛
崑玉樓臺珠樹密
夜來誰向月中歸

舟次汴堤

曲岸蘭叢雁飛起
野客維舟碧煙裏
竿頭五兩轉天風
白日楊花滿流水

劉軻

劉軻字希仁沛人少為僧元和末登進士第終洛州刺史

史集一卷今存詩一首

玉聲如樂

玉叩

一作振

能旋止人言與樂并繁音忽已闕雅韻訕然

清佩想停仙步泉疑咽夜聲曲終無異聽響極有餘情
特達知難擬玲瓏豈易名崑山如可得一片佇為榮

朱晝

朱晝元和間進士詩三首

喜陳懿老示新製

一作喜陳懿老自宛陵
至示余新製三十餘篇

一別一千日一日十二憶苦心無閒時今夕見玉色玉

色復何異弘

一作紅

明含羣德有文如星宿飛入我胃臆

憂愁方破壞歡喜重補塞使我心貌全且非黃金力將

攀下風手願假仙鸞翼

自注云予欲見詩人孟郊故寄誠於此

贈友人古鏡

我有古時鏡初自壞陵得蛟龍猶泥蟠魑魅幸月蝕摩

一作磨久見菱蘂青於藍水色贈君將照色無使心受惑

賦得花藤藥合寄潁陰故人

藤生南海濱引蔓青且長剪削為花枝何人無文章非
才亦有心割骨聞餘芳繁葉落何處孤貞在中央願盛
黃金膏寄與青眼郎路遠莫知意水深天蒼蒼

滕邁

滕邁元和登進士第官吉州太守詩二首

春色滿皇州

一作薛能詩

藹藹復悠悠春歸十二樓最明雲裏闕先滿日邊州色

媚青門外光搖紫陌頭上林榮舊樹太液鏡一作泛新流

暖帶祥烟起清

一作晴

添瑞景浮陽和如啓蟄從此事芳

遊

楊柳枝詞

三條陌上拂金羈萬里橋邊映酒旗此日令人腸欲斷
不堪將入笛中吹

句

陶令門前甯接籬亞夫營裏拂朱旗

柳溪友議見雲

滕倪

滕倪元和時人詩一首

留別吉州太守宗人邁

秋初江上別旌旗故國無家淚欲垂千里未知投足處
前程便是聽猿時誤攻文字身空老却返漁樵計已遲
羽翼彫零飛不得丹霄無路接差池

句

映水有深意見人無懼心

題鷺鷥障子
以下並見雲溪友議

白髮不

能容相國也同閒客滿頭生

御定全唐詩卷四百九十一